

This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

#### Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + Refrain from automated querying Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

#### **About Google Book Search**

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at http://books.google.com/





# Harbard College Library


FROM THE BEQUEST OF


SAMUEL SHAPLEIGH,


(Class of 1789),


LATE LIBRARIAN OF HARVARD COLLEGE.

23 Jul. 1897.










#### THE ROMANCE

OF

THE EMPEROR OCTAVIAN.



# THE ROMANCE

# THE EMPEROR OCTAVIAN;

NOW FIRST PUBLISHED,

FROM MSS. AT LINCOLN AND CAMBRIDGE.

#### RDITED BY

## JAMES ORCHARD HALLIWELL, ESQ., F.R.S.

HON. M.B.I.A., HON. M.R.S.L.,

And Corresponding Member of the Comité des Arts et Monuments.

#### LONDON.

PRINTED FOR THE PERCY SOCIETY,

BY T. RICHARDS, 100, ST. MARTIN'S LANE.

M.DCCC.XLIV.

27282.31.5

17/0

JUL 23 1897
LIBRARY.
Shapleigh fund.

#### COUNCIL

OF

## The Percy Society.

#### President.

THE RT. HON. LORD BRAYBROOKE, F.S.A.

THOMAS AMYOT, Esq. F.R.S. TREAS. S.A.

WILLIAM HENRY BLACK, Esq.

WILLIAM CHAPPELL, Esq. F.S.A.

- J. PAYNE COLLIER, Esq. F.S.A.
- C. PURTON COOPER, Esq. Q.C., F.R.S., F.S.A.

PETER CUNNINGHAM, Esq.

J. H. DIXON, Esq.

WILLIAM JERDAN, Esq. F.S.A., M.R.S.L.

CAPTAIN JOHNS, R.M.

T. J. PETTIGREW, Esq. F.R.S., F.S.A.


LEWIS POCOCK, Esq. F.S.A.

SIR CUTHBERT SHARP.

WILLIAM SANDYS, Esq. F.S.A.

WILLIAM J. THOMS, Esq. F.S.A.

THOMAS WRIGHT, Esq. M.A., F.S.A., Secretary and Treasurer.



#### PREFACE.

WHEN Weber printed the romance of Octovian from MS. Cotton. Calig. A. ii., he was not aware that the other copy which he mentioned as existing at Cambridge, in MS. More 690, was an entirely different version, or rather translation, of the French original. This fact was also unknown to Conybeare, who published an analysis of the Anglo-Norman romance, although with more caution, he alludes to it as "another poem with the same title;" referring to Warton, who had previously noticed that the commencing lines of the two MSS. differed. It does not, however, appear that either Percy, or any of these writers, had examined the Cambridge version, and as it completely differs from the other in its composition, and occasionally in the conduct of the story, it appeared to the editor well worthy of publication; and in the course of his task, he has had the advantage of comparing the text with another copy of the same version preserved in the Thornton manuscript, a very valuable volume in the library of Lincoln Cathedral. The principal variations afforded by the Lincoln MS. will be found in the notes.

Only one copy of the French original is known to exist, a poem of about 5600 lines, in a MS. on vellum of the fourteenth century, in the Bodleian library, MS. Hatton 100. It commences as follows:—

Içi commence la romanz de Othevien, empereor de Rome.

Seigneor, preudom, or escoutés, Qui les bones chançons amés; D'une tant bone oir porrés, Jà de meilleor dire n'orrés. Des grans merveilles qui sunt faites, Et de Latin en Romanz traites. Apres un jor qui jadis fu, Ot à Paris un roi cremu, Qui Dragonbers fu apelés. Plus fiers home de lui ne fu nés. Ne miex seust terre tenir. Ne ses anemis estormir. Famme prist de grant renon, Gente de cors et de façon. Un pere avoit de fier corage, Car moult estoit de haut lingnage. Mult durement estoit preudon; Loteires fu només par non. Dagonbers dont m'oiés conter, Fist Sain Denis faire fonder. Mult ama Diex mult fermement; Loteires fu de mult grant aage, Et se chei en grant malage.

Famme pristuoit à sa fil doner, Et de le roiaume coroner.

From the sixth line it appears that the tale was originally composed in Latin; and this is partially confirmed by the following passage in Weber's version:—

"Be Seyne water, seyd the Latin,
Without bost,
Maryners hym broghte to the maryn
Of Gene cost."

But the French is also referred to in the same piece, and there can be little doubt that both the English versions were derived immediately from the Anglo-Norman.

There are several early notices of this romance in English writers. William Nassyngton, in his "Mirrour of Life," written before the year 1384, thus alludes to it:—

"I warne 30w ferst ate benyngnyng,
I wyl make 30w no veyn carpyng
Of dethes, of armes, ne of amours,
As doth menstrale and jestoures,
That maketh carpyng in many place
Of Octoryune and Ysambrace,
And of many other gestes,
Namely when they cum to festes;
Ne of the lyf of Bewis of Hamptoun,
That was a kny3t of gret renoun,
Ne of syre Gy of Werewyke,
Alle-3if hit my3te som men lyke."

MS. Bodl. 48, f. 47.

And in the anonymous translation of Colonna, MS. Laud. 595, f. 1, it is included in a very extensive list of the "romaunces of pris," as well as in a similar enumeration in Richard Coer de Lion, 6665.

It is conjectured by Tyrwhitt that Chaucer also alludes to the romance of Octavian in the following passage:—

" Anonright whan I herdin that, How that they wolde on-huntinge gone, I was right glad, and up anone I toke my horse, and forth I wente Out of chambre. I nevir stente Tyl I come to the felde without; There ovirtoke I a grete rout Of huntirs and of foresters. And many relaies and limers, That hied hem to the forest fast. And I with hem; so at the last I askid one lad, a lymere, 'Say, felowe, who shal huntin here?' Quod I; and he answered aven, "Sir, the emperour Octovyen," Quod he, 'and he is here faste by.'" The Dreme of Chaucer, 368.

And he quotes a passage in an inventory of 2 Hen. VI, where mention is made of a piece of tapestry which was ornamented with the story of *Le Octavion roy de Rome*, as having been in the palace of Henry V.

Bagford, MS. Harl. 5905, f. 17, mentions a printed edition of the English version of Octavian. He thus describes it:—"Octavyan, the emperour of Rome, a romanse in rime; a man and horse in complete armour, with a dogge runing; imprented at London, in Flet Strete, at the signe of the Sonne, in q., no date; a well printed booke." No copy of it is now known to exist, but it was in all probability the version now printed, that in the Cottonian MS. being in a peculiar and original stanza. According to Weber, a German translation of the romance in prose forms at present one of the most popular story-books among the peasants of that country, but the earliest copy he had seen was dated in 1587.

It is scarcely necessary to observe that the following romance has nothing to do with the genuine history of the Roman emperor whose name it bears. In the Cambridge manuscript, now marked Ff. ii. 38, his name is spelt Octavyan, which is my reason for adopting a similar orthography, to distinguish this from Weber's version. This MS. is the one referred to by Percy, Warton, and others, as MS. More 690, and a description of it will be found in a volume of early metrical romances which I am now editing for the Camden Society. The Lincoln MS. is also described in the same work, and in Sir F. Madden's Introduction to "Syr Gawayne." To this

latter work I was indebted for my first knowledge of the Lincoln copy.

Conybeare's analysis of the French romance was printed privately and anonymously, 8vo. Oxford, 1809, with notes and illustrations. To that work I refer for a more complete account of the Hatton MS. than could consistently be given in this place. It differs in several particulars from the English versions, but the main conduct of the tale is the same in all. The name of the author does not appear in any part of the poem, but it seems probable that it was written in England, from the fact that St. George, and not St. Denys, is introduced as the champion of the Christian army.

The tale of Sir Aldingar in the Percy manuscript, contains an incident very similar to that related at the commencement of the following romance; and perhaps the reader may not object to have the opportunity of making the comparison. It may be observed that it is an incident of frequent recurrence in medieval fiction. Weber refers to Hugh le Blond as well as to Sir Aldingar. The latter commences as follows:—

"Our king he kept a false steward, Sir Aldingar they him call; A falser steward than he was one, Serv'd not in bower or hall.

He wolde have layne by our comely queen, Her dear worship to betray; Our queen she was a good woman, And evermore said him nay.

Sir Aldingar was wroth in his mind, With her he was never content, Till traiterous means he could devise, In a fire to have her brent.

Ther came a lazar to the king's gate,
A lazar both blind and lame;
He took the lazar upon his back,
Him on the queen's bed has lain.

"Lie still, lazar, whereas thou liest,
Look thou go not hence away;
I'll make thee a whole man and a sound,
In two hours of the day."

Then went him forth Sir Aldingar, And hied him to our king;

- "If I might have grace, as I have space, Sad tidings I could bring."
- "Say on, say on, Sir Aldingar, Say on the sothe to me!"
- "Our queen hath chosen a new true love, And she will have none of thee.
- "If she had chosen a right good knight,
  The less had been her shame;
  But she hath chose her a lazar man,
  A lazar both blind and lame."
- "If this be true, thou Aldingar,
  The tydyng thou tellest to me;
  Then will I make thee a rich rich knight,
  Rich both of gold and fee.

"But if it be false, Sir Aldingar,
As God now grant it be!
Thy body, I swear by the holy rood,
Shall hang on the gallows tree!"

He brought our king to the queen's chamber, And open'd to him the door.

- "A lodlye love," king Harry says,
  "For our queen dame Elinore!"
- "If thou were a man, as thou art none, Here on my sword thou'st die; But a pair of new gallows shall be built, And there shalt thou hang on hye!"

Forth then hyed our king i-wysse, And an angry man was hee; And soone he found queene Elinore, That bird\* so bright of blee.

- "Now God you save, our queen, madam, And Christ you save and see; Here you have chosen a new true love, And you will have none of me.
- "If you had chosen a right good knight,
  The less had been your shame;
  But you have chose you a lazar man,
  A lazar both blind and lame.
- "Therefore a fire there shall be built,
  And brent all shalt thou be!"
- " Now, out alack!" said our comely queen,
  " Sir Aldingar's false to me!"

<sup>\*</sup> Dr. Percy reads bride.

Now out alack!" said our comely queen,
"My heart with grief will brast!


I had thought swevens had never been true,
I have proved them true at last.

"I dreamt in my sweven on Thursday eve, In my bed whereas I lay; I dreamt a grype and a grimly beast, Had carried my crown away!"

In the old romance of the Erle of Tolous, as in Octavian, the lady's presumed guilt is proved to the satisfaction of the court by conveying a boy into her chamber while she was asleep. Similar instances of coincidence will present themselves to the reader of old romances; and the incident of the lioness's attachment to the child is found in several tales under very slightly varying forms.

J. O. HALLIWELL.

August 3rd, 1844.



### THE ROMANCE

OF

## THE EMPEROR OCTAVIAN.

Lyttle and mykyll, olde and yonge,
Lystenyth now to my talkynge,
Of whome y wylle yow lythe.
Jhesu, Lorde, of hevyn kynge,
Grawnt us alle hys blessynge,
And make us gladd and blythe!
Sothe sawys y wylle yow mynge
Of whom the worde wyde can sprynge,
Yf ye wylle lystyn and lythe;
Yn bokys of ryme hyt ys tolde,
How hyt befelle owre eldurs olde,
Welle oftyn sythe.

Some tyme felle aventure,
In Rome ther was an emperowre,
In Romans as we rede;
He was a man of grete favour,
He levyd in yoye and gret honour,
And doghty was in dede.

15

10

In turnament and yn fyght, Yn the worlde was not a bettur knyght 20 Then he was undur wede: Octavyan hys name hyght, He was a man of moche myght, And bolde at every nede. An emperes he had to wyfe, 25 The feyrest that myght bere lyfe, These clerkys seyn soo; Vij. yere togedur had they ben, Wyth yoye and game them betwene, And othur myrthys moo. 30 Tho the vij. yerys were alle goon, Chylde myght they gete noon, That tyme betwene them twoo, That aftur hym hys londes schulde welde; Therfore grete sorowe drewe them to elde: 35 Yn herte he was fulle woo. The emperowre on a day, In hys bedd as he lay Wyth hys lady bryght, He behelde hur feyre lere, 40 That was bryght os blossom on brere, And semely in hys syght. A sorowe to hys herte ranne, That chylde togedur they myst noon han,

Hys londe to yeve and ryght;

Be hys lady as he sete,

45

For woo hys chekys waxe alle wete, That was so hende a knyght.

When the lady can hyt see,
Chaunge sche dud hur feyre blee,
And syghyd wondur sare:
Sche felle on kneys hym agayne,
And of hys sorowe sche can hym frayne,
And of hys mekylle care.
"For yf that hyt were yowre wylle,
Yowre counselle for to schewe me tylle,
Of yowre lyvys fare,
Ye wott y am youre worldys fere,
Youre thoght to me ye myght dyskever,
Youre comfort were the mare."

In hys armes he can hur folde,
And hys cownselle to hur tolde,
And of hys hertys wownde;
"Now have we vij. yere togedur byn,
And we no chylde have us betwen,
And here we schalle not leve but a stownde.
Y wott not how thys londe schalle fare,
But leve in warre, in sorowe, and care,
When we are broght to grownde;
Therfore y have so mekylle thoght,
That when y am to bedd broght,
Y slepe but selden sownde."

Than answeryd that lady bryght, "Syr, y can yow rede aryght,

Yf yow no thyng to ylle;	75
A ryche abbey schalle we make,	
For owre dere lady sake,	
And londys geve ther-tylle.	
Sche wylle prey hur Sone feyre	
That we togedur may have an heyre,	80
Thys londe to welde at wylle."	
They let make an abbey thoo;	
The lady was with chyldren twoo,	
As hyt was Goddys wylle.	
Wyth chylde waxe the lady thore;	85
Grete sche was with peynys sore,	
That was bothe hende and free.	
Tyll tyme felle that hyt was soo,	
The lady had men chyldren two,	
That semely were to see.	90
Tythyngys come to the emperowre,	
As he lay in hys towre;	
A gladd man was hee!	
Two maydenys the errande hym broght;	
Wythowt gyftys yede they noght,	95
Eyther he gafe townys three.	
The emperowre was fulle blythe of mode;	
To hys chapelle swythe he yode,	
And thanked God of hys sonde;	
Yerly when the day can sprynge,	100
A preest he dud a masse synge;	
Hys modur there he fonde.	

"Sone," sche seyde, "y am blythe	
That the emperes schalle have lyve,	
And leve wyth us in londe;	105
But moche sorowe deryth mee,	
That Rome schalle wrong-heyred bee,	
In unkynde honde."	
"Modur," he seyde, "why sey ye soo?	
Now have we men-chyldren two,	110
Y-thankyd be Goddys wylle!"	
"Nay," sche seyde, "sone myne,	
Ther ys never neythyr of them thyn,	
That lykyth me fulle ylle!	
For thou myght no chylde have,	115
Thy wyfe hath take a cokys knave,	
That wylle y prove be skylle."	
A sorowe to the emperowrs herte ranne,	
That worde cowde he speke noon,	
But yede awey fulle stylle.	120
To hys chapelle forthe he yode,	
And at hys masse stylle he stode,	
As man that was in care.	
The emperowrs modur let calle a knave,	
And hym behett grete mede to have,	125
A thowsande pownde and mare;	
To the chaumbur the knave toke the way,	
There as the emperes in chylde-bedd lay.	
Alle slepte that there ware;	
For-why they had wakyd longe,	130

In peynys and in sorowe stronge, Or sche were delyvyrd thare.

"Haste the, knave, wyth alle thy myght, Prevely that thou were dyght, And that thou were uncladd: 135 Softly be hur yn thou crepe, That thou wake hur not of hur slepe, For seke sche vs be-stadd." Hastyly was the knave uncladd; 140 In he went, as sche hym badd, Into the ryche bedde; And ever he drewe hym away, For the ryches that he in lay, Sore he was a-dredd. The emperowrs modur awey went than; 145 To hur sone swythe sche wan, At masse there as he stode. "Sone," sche seyde, "thou trowest not me; Now thou mayste the sothe see." To the chaumbur wyth hur he yode. 150 When he sawe that syght, than Sorowe to hys herte ranne, And nerehonde waxe he wode: The knave he slewe in the bedd. The ryche clothys were alle be-bledd 155 Of that gyltles blode.

Evyr lay the lady faste aslepe, A dylfulle swevyn can sche mete,

That was so swete a wyght:	
Sche thoght sche was in wyldyrnes,	160
Yn thornes and in derkenes,	
That sche myght have no syght.	
There come fleyng ovyr the stronde	
A dragon, alle with fyre brennand,	
That alle the londe was bryght;	165
In hys palmes, alle brennyng bloo,	
Up he toke hur chyldren twoo,	
And away he toke hys flyght.	
When the lady can awake,	
A dylfulle gronyng can sche make;	170
The lasse was hur care!	
The emperowre toke up the grome,	
The herre in hys honde he nome,	
The hede smote of there.	
He caste hyt ageyne into the bedd,	175
The ryche clothys were alle be-bledd,	
Of redd golde there they ware:	
The grete treson that there was wroght,	
The lady slept and wyste hyt noght,	
Hur comfort was the mare.	180
Wordys of thys were spoke no moo	
Tylle the emperes to churche was goo,	
As lawe was in lede;	
The emperowre made a feste, y undurstonde,	
Of kyngys that were of ffarre londe,	185
And lordys of dyvers stede.	

The kyng of Calabur, without lees, That the ladys ffadur was, Thethur was he bede; Alle they semblyd on a day, 190 Wyth myrthe, game, and with play, Whan the lady to churche yede. Kyngys dwellyd then alle in same; There was yoye and moche game, 195 At that grete mangery; Wyth gode metys them amonge, Harpe, pype, and mery songe, Bothe lewte and sawtré. When the vij. nyght was alle goon, Wyth alle-kyn welthe in that won, 200 And mery mynstralsy;

Ther was never so ryche a getherynge,
That had so sory a pertynge,
I wylle yow telle for-why.

Grete dele hyt ys to telle,

On the ix<sup>the</sup> day what befelle;

Lystenyth, and ye schalle here.

The emperowre to chaumbur yode,

Alle the kyngys abowte hym stode

Wyth fulle gladd chere.

The emperowre seyde there he can stonde,

Soche aventure felle in that londe,

Of a lady in that yere,

Wyth soche a treson was take and teynt;

He askyd when maner jugement That sche worthy were. 215

When the emperowre had hys tale tolde,
The kyng of Calabur answere wolde,
He wyste not what hyt mente;
He seyde, "Hyt ys worthy, for hur sake,
Wythowt the cyté a fyre to make,
Be ryghtwyse yugement;
When the fyre were brennyng faste,
Sche and hur ij. chyldren therin to be caste,
And to dethe to be brente."

225
The emperowre answeryd hym fulle sone,
"Thyn own doghtur hyt hath done,
Y holde to thyn assent!"

There was dele and grete pyté;

A feyre they made withowt the cyté,

Wyth brondys brennyng alle bryght.

To the fyre they ledd that lady thare,

Two squyers hur chyldren bare,

That semely were in syght;

In a kyrtulle of scarlett redd,

In the fyre to take hur dedd

Redy was sche dyght.

The kyng of Calabur made evylle chere,

For dele he myst not stonde hys doghtur nere;

There wept bothe kynge and knyght.

The lady sawe no bettur redd, But that sche schulde be dedd That day upon the fylde;

Wyth sory hert, the sothe to telle,

Before the emperowre on kneys sche felle,

And bothe hur hondys uphelde.

"Grawnt me, Lorde, for Jhesu sake,

Oon oryson that y may make

To Hym that alle may welde;

And sythen on me do yowre wylle,

What dethe that ye wylle put me tylle,

Therto y wylle me 3elde."

The lady on hur kneys hur sett,

To Jhesu Cryste fulle sore sche wepte,
What wondur was hyt thogh she were woo! 255

"Jhesu," sche seyde, "kynge of blysse,
Thys day thou me rede and wysse,
And hevene qwene alsoo.

Mary, mayden and modur free,
My preyer wylle y make to thee,
For my chyldren twoo;
As thou lett them be borne of mee,
Grawnt that they may crystenyd bee,
To dethe or that they goo."

Kyngys and qwenys abowte hur were,

Ladys felle in swownyng there,

And knyghtys stode wepande;

The emperowre hur lorde stode hur nere,

The terys tryllyd downe on hys lere,

Fulle sory can he stande.

The emperowre spake a worde of pyté,
"Dame, thy dethe y wylle not see,
Wyth herte nothur wyth hande."
The emperowre gaf hur leve to goo,
And wyth hur to take hur chyldren two,
And flee owt of hys londe.

The emperowre gaf hur xl. pownde
Of fflorens that were rownde,
In yeste as we rede;
And betoke hur knyghtys twoo,
And gaf hur the golde, and badd hur goo
Owt of hys londe to lede.
The knyghtys the chyldren bare,
There the hye weyes ware,
And forthe fulle swythe they yede;
The kyngys from the parlement,
Eche man to hys own londe went,
For sorowe ther hertys can blede.

The the lady come to a wyldurnes,

That fulle of wylde bestys was;

The wode was grete and streyght.

The knyghtys toke hur there the chyldren twoo,

And gaf hur the golde, and badd hur goo

The way that lay forthe ryght.

They badd hur holde the hye strete,

For drede of wylde beestys for to mete,

That mekylle were of myght;

Ageyne they went with sory mode,

The lady aloon forthe sche yode,	
As a wofulle wyght.	300
So had sche wepte there beforne,	
That the ryght wey had sche lorne,	
So moche sche was in thoght;	
Ynto a wode was veryly thykk,	
There clevys were and weyes wyck,	305
And hur wey fonde sche noght.	
Yn a clyff undur an hylle	
There sche fonde a fulle feyre welle,	
In an herber redy wroght;	
Wyth olyfe treys was the herber sett:	310
The lady sett hur downe and wepte,	
Further myght sche noght.	
The lady by the welle hur sett,	
To Jhesu Cryste sore sche grett;	
No further myght sche gone.	315
"Lorde kynge," sche seyde, "of hevyn blys,	
Thys day thou me rede and wysse,	
Fulle weyle y am of won.	
Mary modur, maydyn free,	
My preyer wylle y make to the,	320
Thou mende my sorowfulle mone!	
So fulle y am of sorowe and care,	
That thre dayes are goon and mare	
That mete ete y noon."	
Be that sche had hur chyldren dyght,	325

Hyt was woxe derke nyght,

As sche sate be the welle;	
In the erber downe sche lay	
Tylle hyt was dawnyng of the day,	
That fowlys herde sche 3elle.	330
There came an ape to seke hur pray,	
Hur oon chylde sche bare away	
On an hye hylle;	
What wondur was thogh sche were woo?	
The ape bare the chylde hur froo!	335
In swownyng downe sche felle.	
•	
In alle the sorowe that sche in was,	
There come rennyng a lyenas,	
Os wode as sche wolde wede;	
In swownyng as the lady lay,	340
Hur wodur chylde sche bare away,	
Hur whelpys wyth to fede.	
What wondur was thogh sche woo ware?	
The wylde beestys hur chyldyr away bare,	
For sorowe hur herte can blede!	846
The lady sett hur on a stone	
Besyde the welle, and made hur mone,	
And syghyng forthe sche yede.	
There came a fowle that was feyre of flyght,	
A gryffyn he was callyd be ryght,	<b>85</b> 0
Ovyr the holtys hore;	
The fowle was so moche of myght,	
That he wolde bare a knyght,	
Welle armyd thogh he ware.	

The lyenas with the chylde up toke he,	355
And into an yle of the see	
Bothe he them bare;	
The chylde slept in the lyenas mowthe,	
Of wele nor wo nothyng hyt knowyth,	
But God kepe hyt from care.	<b>36</b> 0
Whan the lyenas had a fote on londe,	
Hastyly sche can up-stonde,	
As a beste that was stronge and wylde;	
Thorow Goddes grace the gryffyn she slowe,	
And sythen ete of the flesche y-nowe,	<b>3</b> 6 <i>5</i>
'And leyde hur downe be the chylde.	
The chylde soke the lyenas,	
As hyt Goddys wylle was,	
Whan hyt the pappys feled;	
And when the lyenas began to wake,	<b>37</b> 0
Sche lovyd the chylde for hur whelpys sake,	
And therwith sche was fulle mylde.	
Wyth hur fete sche made a denne,	
And leyde the lytulle chylde theryn,	
And kepte hyt day and nyght;	375
And, when the lyenas hungurd sore,	
Sche ete of the gryffyn more,	
That afore was stronge and wyght.	
As hyt was Goddys owne wylle,	
The lyenas belafte the chylde stylle;	<b>38</b> 0
The chylde was feyre and bryght.	
The lady sett hur on a stone	
Besyde the welle, and made hur mone,	
As a wofulle wyght.	

ı	K
L,	v

## THE EMPEROR OCTAVIAN.

"Jhesu," sche seyde, "kynge of blys,	384
Thys day thou me rede and wysse!	
Of alle kyngys thou art flowre!	
As y was kyngys doghtur and qwene,	
And emperes of Rome have bene,	
Of many a ryche towre.	<b>39</b> 0
Thorow the lesyng that ys on me wroght,	
To moche sorowe y am broght,	
And owt of myn honowre;	
The worldys wele y have forlorne,	
And my two chyldren be fro me borne,	395
Thys lyfe y may not dewre!	
"Lorde, the sorowe that y am ynne,	
Welle y wot hyt ys for my synne:	
Welcome be thy sonde!	
To the worlde y wylle me never yeve,	400
But serve the, Lorde, whylle y leve,	
Into the Holy Londe."	
Downe be an hylle the wey she name,	
And to the Grekeysch see sche came,	
And walkyd on the stronde;	405
Beforne hur an haven there she sye,	
And a ceté wyth towrys hye	
Alle redy there sche fonde.	
When sche come to the ryche towne,	
A schyppe sche fonde alle redy bowne	410
Wyth pylgrymys forthe to fare;	٠.

Sche badd the schyppman golde and fee,

In hys schypp that sche myght bee,	
Yf hys wylle ware.	
A bote they sende ovyr the flode	415
To the lady there sche stode,	
A wyght man in hur bare;	
By the maste they badd hur sytte,	
Of hur wo myght no man wytt,	
But evyr sche wept fulle sare.	420
The schypp come be an yle syde,	
The schyppman bade them there abyde,	
"Fresche watur have we none."	
Besyde them was a roche hye,	
A welle feyre welle there they sye	425
Come strykyng ovyr a stone.	
Two men to the londe they sente;	
Up by the streme they wente,	
The welle they fonde anone.	
A lyenas lay in hur denne,	430
And was fulle fayne of the two men,	
Anon_sche had them slon.	
So long on ankyr can they ryde,	
The two men for to abyde,	
Tylle none was on the day;	435
Xij. men anon can they dyght,	
Wyth helmes and hawberkys bryght,	
To londe than wente they.	
They fonde the lyenas denne,	
A man-chylde lyeng therynne,	4 10

Wyth the lyenas to pley;
Sometyme hyt soke the lyenas pappe,
And sometyme they can kysse and cleppe
For fere they fledd away.

They yede and tolde what they sye,	445
They fonde on the roche on hye	
A lyenas in hur denne,	
A man-chylde ther in lay,	
Wyth the lyenas to play,	
And dedd were bothe ther men.	450
Then spake the lady mylde,	
"Mercy, lordyngys, that ys my chylde!	
On londe ye let me renne."	
The bote they sente over the flode,	
To londe allone the lady yode,	455
Sore wepeyd the schypman than!	
When sche came on the roche on hyght,	
Sche ranne, whylle sche myght,	
Wyth fulle sory mode;	
The lyenas, thorow Goddys grace,	<b>46</b> 0
When sche sye the ladyes face,	
Debonerly stylle sche stode.	
Thorow the myght of Mary mylde,	
Sche suffurd hur to take up the chylde,	
And wyth the lady to the see she yode;	466

When the schypmen the lyenas sye, The londe durste they not come nye, For feere they were nye wode!

Some nente an oore, and some a sprytt,	
The lyenas for to meete,	470
Owt of ther schyppe to were;	
The lady ynto the schyp wente,	
xxx. fote the lyenas aftur sprente,	
Ther durste no man hur yn bere.	
There men myght game see,	475
xl. men lepe ynto the see,	
So ferde of the lyenas they were!	
By the lady the lyenas downe lay,	
And with the chylde can sche play,	
And no man wolde sche dere.	480
They drewe up seyle of ryche hewe,	
The wynde owt of the havyn them blewe,	
Ovyr the wanne streme;	
The furste londe that they sye	
Was a ceté wyth towrys hye,	485
That hyght Jerusalem.	
As glad they were of that syght,	
As fowlys be of day lyght,	
And of the sonne leme;	
When hyt was ebbe and not flode,	490
The schypmen and the lady to londe yode	
Into that ryche realme.	
Ovyr alle the cyté wyde and longe,	
Of thys lady worde ther spronge,	
That there on londe was lende;	495
How sche had a lyenas	

Broght owt of wyldurnes; The kynge aftur hur sende. The kynge bad hur lett for nothynge, 500 And the lyenas with hur brynge, To the castelle there nere-honde: When that sche before hym come, For the emperyce of ryche Rome Fulle welle he hur kende. The kynge frayned hur of hur fare, And sche hym tolde of moche care,

As a wofulle wyght; With hys quene he made hur to dwelle, And maydenys redy at hur wylle, To serve hur day and nyght. The chylde that was so feyre and free, The kynge let hyt crystenyd bee, Octavyon he hyght; When the chylde was of elde, That he cowde ryde and armys welde,

The lyenas that was so wylde, Sche levyd with the lady mylde, Hur comfort was the more: The lady was wyth the quene, With myrthe and game them betwene, To covyr hur of hur care. Eche oon servyd hur day and nyght, To make hur gladd with alle ther myght,

The kynge dubbyd hym knyght.

505

510

515

520

525

Tylle hyt bettur ware.

In Jerusalem can the lady dwelle,	•
And of hur odur chylde y can yow telle,	
That the ape away bare.	
Now comyth the ape that was wylde,	
Thorow the forest with the chylde,	530
Be the holtys hoore;	
As the ape come over the strete,	
With a knyght can sche meete,	
That chylde as sche bare.	
There faght the kny3t wondur longe	535
With the ape that was so stronge,	
Hys swyrde brake he thare!	
The ape then awey ranne,	
The kny3t there the chylde wanne,	
And on hys way can he fare.	<b>540</b>
Forthe rode the kny3t with the chylde then,	
And yn the foreste he mett owtlawys x.,	
That moche were of myght;	
The kny3t 3yt was never so wo,	
For hys swerde was brokyn yn two,	545
That he ne myst with them fyght.	
Thogh the kny3t were kene and thro,	
The owtlawys wanne the chylde hym fro,	
That was so swete a wyght;	
The kny3t was woundyd so that day,	550
Unnethe hys hors bare hym away,	
So delefully was he dyght.	

The owtlawys set them on a grene,	
And leyde the lytylle chylde them betwene;	
The chylde upon them loghe.	555
The maystyr owtlawe seyde then,	•
"Hyt were grete schame for hardy men,	
Thys chylde here and we sloghe;	
I rede we bere hyt here besyde,	
To a ryche cyté with grete pryde,	<b>56</b> 0
And do we hyt no woghe;	
Hyt ys so feyre and gentylle borne,	
That we myst have therforne	
Golde and sylvyr y-noghe."	
Then ij. of them made them yare,	565
And to the cyté the chylde they bare,	
That was so swete a wyght;	
Ther was no man that the chylde sye,	
But that they wepte with ther eye,	
So feyre hyt was be syght.	570
A burges of Parys came them nere,	
That had be palmer vij. yere,	
Clement the velayn he hyght:	
"Lordynges," he seyde, "wylle ye thys chyle selle?"	le
"Ye, who wylle us golde and sylvyr telle,	575
Floryns brode and bryght."	
For xl. li. the chylde selle they wolde;	
Clement seyde, "Longe y may hym holde,	
Or y hym selle may;	
Y swere yow lordynges he my hade	580

I trowe ye can fulle lytylle gode, Soche wordys for to say. Golde and sylver ys to me fulle nede, xx. li. y wylle yow bede, And make yow redy paye." The chylde they to Clement yolde, xx. li. he them tolde, And wente forthe on hys way.

585

590

When Clement had the chylde boght, A panyer he let be wroght, The chylde yn to lede; A nurse he gate hym also Into Fraunce with hym to go, The chylde for to fede. Home he toke the wey fulle ryght, And hastyd hym with alle hys myght, That was hys beste rede; Burgeys of Parys were fulle fayne,

600

595

They callyd Clement and kyssyd hym alle, And broght hym home to hys halle: Hys wyfe therof was blythe. Sche askyd hym the ryght dome How he to the chylde come; He tolde hur fulle swythe.

605

"In Jerusalem there y hym gete, For there wolde y hym not lete,

Many wente Clement agayne, A sklavyn was hys wede.

. The sothe y wylle the kythe."

The wyfe answeryd, with herte mylde, .	610
"Hyt schalle be myn own chylde,"	
And kyssyd hyt many a sythe.	
"Dame," seyde Clement, "whylle y palmer	was,
Thys chylde y gate with my flesche	
In the hethen thede;	615
Into thys londe y have hym broght,	
For-why that thou wylt greve the noght,	
Fulle ryche schalle be thy mede."	
The wyfe answeryd with herte fre,	
"Fulle welcome, syr, hyt ys to me;	620
Fulle welle y schalle hym fede,	
And kepe hym with my chylde,	
Tylle that he come of elde,	
And clothe them yn oon wede."	
Clement than was fulle blythe,	625
And let crysten hym fulle swythe;	
Hyt was taryed that nyght.	
In the jeste, as hyt ys tolde,	
The ryght name he hym calde,	
Florent be name he hyght;	630
Whan the chylde was vij. yere olde,	
Hyt was feyre, wyse, and bolde,	
The man that redyth aryght:	
Thorow the realme of Fraunce wyde and lo	nge
Of thys chylde the worde spronge,	635
So feyre he was be syght.	

Evyr the burges and hys wyfe Lovyd the chylde as ther lyfe, To them he was fulle dere: Tylle the chylde was vij. yere olde and more, 640 The burges set hym to lore, To be a chaungere. Clement toke the chylde oxen two, And bad hym to the brygge go, To be a bochere. 645 To lerne hys crafte for to do: And hys kynde was nevyr therto, Soche games for to lere. As Florent to the brygge can go, Dryvyng forthe hys oxen two, 650 He sawe a semely syght; A squyer, as y schalle yow telle, A jentylle fawcon bare to selle, Wyth fedurs folden bryght. Florent to the squyer yede, 655 Bothe hys oxen he can hym bede For the fawcon lyght; The squyer therof was fulle blythe For to take the oxen swythe, And gave hym the fawcon ryght. 660

The squyer therof was fulle gladd, When he tho oxen taken had, And hyed owt of syght; And Florent to fle was fulle fayne,

690

He wende he wolde have had hys hawk agayne, 665 And ranne with alle hys myst. Home he toke the ryght way To Clementes hows, as hyt lay, And yn he went fulle ryght; He fedde the hawke whylle he wolde. 670 And sythen he can hys fedurs folde, As the squyer had hym teyst. Clement came yn fulle sone, "Thefe, where haste thou my oxen done, That y the be-gyfte?" 675 Grete dele myst men see thore: Clement bete the chylde sore, That was so swete a wyght! "With odur mete shalt thou not leve. But that thys glede wylle ye yeve, 680 Neythur day ne nyght." As sore beton as the chylde stode, 3yt he to the fawcon yode, Hys fedurs for to ryght. The chylde thoght wondur thore, 685 That Clement bete hym so sore, And mekely he can pray, "Syr," he seyde, "for Crystys ore,

Leve, and bete me no more,

But ye wyste welle why.

Wolde ye stonde now and beholde
How feyre he can hys fedurs folde,

And how lovely they lye,
Ye wolde pray God with alle your mode,
That ye had solde halfe your gode,
Soche anodur to bye."

The burgeys wyfe besyde stode,
Sore sche rewyd yn hur mode,
And seyde, "Syr, thyn ore!
For Mary love, that maydyn mylde,
Have mercy on owre feyre chylde,
And bete hym no more.
Let hym be at home and serve us two,
And let owre odur sonys go
Eche day to lore;
Soche grace may God for the chylde have wro3t,
To a bettur man he may be broght,
Than he a bocher were."

Aftur alle thys tyme be-felle,

Clement xl. pownde can telle

Into a pawtenere;

Clement toke hyt chylde Florent,

And to the brygge he hym sente,

Hys brothur hyt to bere.

As the chylde thorow the cyté of Parys yede, 715

He sye where stode a feyre stede,

Was stronge yn eche werre;

The stede was whyte as any mylke,

The brydylle reynys were of sylke,

The molettys gylte they were.

Florent to the stede can gone,	
So feyre an hors sye he never none	
Made of flesche and felle;	
Of wordys the chylde was wondur bolde,	
And askyd whedur he schoulde be solde,	725
The penyes he wolde hym telle.	
The man hym lovyd for xxx. pownde,	
Eche peny hole and sownde,	
No lesse he wolde hym selle.	
Florent seyde, "To lytulle hyt were,	730
But never the lees thou schalt have more."	
xl. pownde he can hym telle.	
The merchaund therof was fulle blythe	
For to take the money swythe,	
And hastyd hym away.	785
Chylde Florent lepe up to ryde,	
To Clementys hows with grete pryde	
He toke the ryght way:	
The chylde soght noon odur stalle,	
But sett hys stede yn the halle,	740
And gave hym corne and haye;	
And sethyn he can hym kembe and dyght,	
That every heer lay aryght,	
And nevyr oon wronge lay.	

Clement comyth yn fulle sone,
"Thefe," he seyde, "what haste thou done?
What haste thou hedur broght?"
"Mercy, fadur, for Goddys peté,

With the money that ye toke me,	
Thys horse have y boght."	750
The burges wyfe felle on kne thore,	
"Syr, mercy," sche seyde, "for Crystys ore,	
Owre feyre chylde bete ye noght!	
Ye may see, and ye undurstode,	
That he had never kynde of thy blode,	755
That he these werkys hath wroght."	
Aftur thys hyt was not longe,	
In Fraunce felle a werre stronge,	
And c. thousande were there y-lente;	
With schyldys brode, and helmys bry3t,	760
Men that redy were to fyght,	
Thorow owt the londe they went.	
They broke castels stronge and bolde,	
Ther myst no hye wallys them holde,	
Ryche townys they brente!	765
Alle the kyngys, ferre and nere,	
Of odur londys that Crysten were,	
Aftur were they sente.	
Octavyon, the Emperour of Rome,	
To Parys sone he come,	770
Wyth many a mody knyght;	
And othur kynges kene with crowne,	
Alle they were to batelle bowne,	
With helmys and hawberkys bryght.	
In Parys a monyth the cost lay,	775
For they had takyn a day	

With the sowdon, moche of myght.

The sowdon with hym a gyaunt brost,
The realme of Fraunce durste nost
Agenste hym to fyght.

780

'The sowdon had a doghtur bryght,

Marsabelle that maydyn hyght,

Sche was bothe feyre and fre;

The feyrest thynge alyve that was,

In Crystendome or Hethynnes,

And semelyest of syght!

To the kynge of Fraunce the maydyn sende,

To lye at Mountmertrous there nere-honde,

From Parys mylys thre;

At Mountmertrous besyde borogh Larayne,

That stondyth over the banke of Sayne,

790

785

The kyng of Fraunce the maydyn hyst,
As he was trewe kyng and knyst,
And swere hur, be hys fay,
That she must savely come therto,
Ther schulde no man hur mysdo,
Neythur be nyght ne day.
The mayde therof was fulle blythe,
To the castelle sche went swythe,
And vij. nyghtes there sche lay;
For sche thoght yoye and pryde,
To see the Crystyn knyghtes ryde,
On fylde them for to play.

For aventours wolde sche see.

795

800

The gyauntes name was Aragonour,
He lovyd that maydyn paramour,
That was so feyre and free;
And she had levyr drawyn bene,
Than yn hur chaumber hym to sene,
So fowle a wyght was he!
810
The gyaunt came to Mountmertrous on a day,
For to comfort that feyre may,
And badd hur blythe bee;
He seyde, "Lemman, or y ete mete,
The kynges hed of Fraunce y wylle the gete, 815
For cone cosse of the!"

Than spake the mayde, mylde of mode,
To the gyaunt there he stode,
And gaf hym answere.
"The kynges hed, when hyt ys brojt,
A kysse wylle y warne the noght,
For lefe to me hyt were!"
The gyaunt armyd hym fulle welle,
Bothe yn yron and yn stele,
With schylde and wyth spere;
Hyt was xx. fote and two
Be-twyx hys hedd and hys too,
None hors myjt hym bere.

The gyaunt toke the ry3t way

To the cyté of Parys, as hyt lay,

With hym went no moo.

The gyaunt leynyd over the walle,

THE EMPEROR OCTAVIAN.	31	
And spake to the folkys alle,		
Wordys kene and thro;		
And bad them sende hym a knyght,	835	
To fynde hym hys fylle of fyght,		
Or the londe he wolde ovyr go,		
And he ne wolde leve alyfe		
Man, beste, chylde, ne wyfe,		
But that he wolde them brenne and slo!	840	
Alle the folke of that cyté		
Ranne that gyaunt for to see,		
At the walle there he stode;		
As farre as they sye hys blee,		
They were fayne for to flee,	845	
For fere they were nye wode!		
Owt went armyd knyghtes v.,		
They thoght to aventour ther lyve,		
The gyaunt thoght hyt gode;		
Fulle hastely he had them slayne,	850	
Ther came never oon quyk agayne,		
That owt at the yatys yode!		
Chylde Florent askyd hys fadur Clement,		
Whodur alle that people went,		
That to the yatys dud renne;	855	,
Clement tolde Florent, hys sone,		
"Soche a gyaunt to the walle ys come;"		
The chylde harkenyd hym then.		
"Sone, but yf he may fynde a man,		
That he may fyght hys fylle upon,	860	

Thys cyté wylle he brenne,
And sythen thys londe over gone,
Quykk wylle he leve noon
Alyve that ys ther-ynne."

"Fadur," he seyde, "sadulle my stede,
And lende me some dele of your wede,
And helpe that y were dyght;
Yf that hyt be Goddys wylle,
I hope to fynde hym hys fylle,
Thogh he be stronge and wyght."
870
Clement seyde, "And thou oon worde more speke,
Thys day y wylle thy hedd breke,
I swere be Mary bryght!"
"For nothynge, fadur, wylle y byde,
To the gyaunt wylle y ryde,
And prove on hym my myght!"

For sorowe Clementes herte nye braste,

When he on Florent hacton caste,

The chylde was bolde and kene;

An hawberke above let he falle,

Rowsty were the naylys alle,

And hys atyre bedeene.

Clement broght forthe schylde and spere,

That were uncomely for to were,

Alle sutty, blakk, and unclene;

A swyrde he broght the chylde beforne,

That vij. yere afore was not borne,

Ne drawe, and that was seene.

Clement the swyrde drawe owt wolde,	
Gladwyn hys wyfe schoulde the scabard holde,	890
And bothe faste they drowe;	
When the swyrde owt glente,	
Bothe to the erthe they wente,	
There was game y-nowe!	
Clement felle to a benche so faste,	895
That mowth and nose alle to-braste,	
And Florent stode and loghe.	
Hyt ys gode bowrde to telle,	
How they to the erthe felle,	
And Clement lay yn swoghe!	900
Chylde Florent yn hys on-fayre wede,	
When he was armyd on a stede,	
Hys swyrde y-drawyn he bare;	
Hys ventayle and hys basenett,	
Hys helme on hys hedd sett,	905
Bothe rowsty they were.	
Bothe Clement and hys wyfe	
Lovyd the chylde as ther lyfe,	
For hym they wept fulle sore!	
To Jhesu Cryste faste can they bede	910
To sende hym grace welle to spede;	
They myght do no more.	
For hys atyre that was so bryght,	
Hym behelde bothe kynge and kny3t,	
And moche wondur thoght;	915
Many a skorne there he hent,	

As he thorow the cyté went,

But therof roght he noght.

The people to the wallys can go

To see the batelle betwene them two,

When they were togedur broght:

Clement, hys fadur, wo was he

Tylle he wyste whych schulde maystyr be;

Gladd was he noght.

920

The chylde came to the yatys sone,

And bad the portar them on-done,

And opyn them fulle wyde.

Alle that abowt the chylde stode,

Laghed as they were wode,

And skornyd hym that tyde.

Every man seyde to hys fere,

"Here comyth an hardy bachelere,

Hym besemyth welle to ryde;

Men may see be hys breme bryght,

That he ys an hardy knyght

935

The gyaunt to abyde!"

The gyaunt upryght can stonde,
And toke hys burdon yn hys honde,
Of stele that was un-ryde;
To the chylde smote he so,
That the chyldes shylde brake yn two,
And felle on every syde.
The chylde was never 3yt so wo,
That hys schylde was brokyn yn two,

THE EMPEROR OCTAVIAN.	35
More he thoght to byde;	945
To the gyaunt he smote so sore,	
That hys ryst arme flye of thore,	
The blode stremyd wyde.	
Clement on the wallys stode,	
Fulle blythe was he yn hys mode,	950
And mende can hys chere:	
"Sone, for that y have seene	
Thy noble stroke that ys so kene,	
To me art thou fulle dere;	
Now me thynkyth yn my mode,	955
Thou haste welle be-sett my gode,	
Soche playes for to lere.	
Jhesu that syttyth yn Trynyté,	
Blesse the fadur that gate the,	
And the modur that the dud bere!"	960
Chylde Florent, yn hys feyre wede,	
Sprange owt as sparkylle on glede,	
The sothe y wylle yow say;	
He rode forthe wyth egur mode	
To the gyaunt there he stode,	965
There was no chyldys play!	
The gyaunt to the chylde smote so,	
That hys hors and he to grounde dud go,	
The stede on kneys lay;	
Clement cryed wyth egur mode,	970
Sone, be now of comfort gode,	
And venge the, yf thou may."	
n 2	

As evylle as the chylde farde,

When he Clementes speche harde,

Hys harte beganne to bolde;

Boldely hys swyrde he lawght,

To the gyaunt soche a strok he raght,

That alle hys blode can colde.

He hytt the gyaunt on the schouldur boone,

That to the pappe the swyrde ranne,

To grounde can he folde!

Thus hyt was, thorow Goddys grace,

The gyaunt swownyd yn that place,

In geste as hyt ys tolde.

The kyngys on the wallys stode.

Whan the gyaunt to grounde yode,
Alle gladd they were;
Alle the people at the chylde loghe,
How he the gyauntes helme of droghe,
And hys hedd he smote of there.

The chylde lepe upon hys stede,
And rode awey a gode spede,
Wyth them spake he no more.

The chylde toke the ryght way
To Mountmertrous, there the mayde lay,
And the hedd with hym he bare.

When he came to the maydyns halle, He fonde the boordys covyrde alle, And redy to go to mete;

1020

1000 The maydyn that was so mylde of mode, In a kyrtulle there sche stode, And bowne sche was to sete. "Damyselle," he seyde, "feyre and free, Welle gretyth thy lemman the, 1005 Of that he the be-hete: Here an hedd y have the broght, The kyngys of Fraunce ys hyt noght, Hyt ys evylle to gete." The byrde bryght as golde hye, 1010 When sche the gyauntes hedd sye, Welle sche hyt kende. "Me thynkyth he was trewe of hete. The kynges when he myght not gete, Hys own that he me sende." "Damyselle," he seyde, "feyre and bryght, Now wylle y have that thou hym hyght," And ovyr hys sadulle he leynyd:

Crye and noyse rose yn the towne,
Sone ther was to batelle bowne
Many an hardy knyght,
With sperys longe and schyldys browne;
Florent let the maydyn adowne,
And made hym bowne to fyght.
Hur skarlet sleve he schare of then,

He seyde, "Lady, be thys ye shalle me ken,

Ofte sythys he kyste that may, And hente hur up and rode away,

That alle the brygge can bende!

When ye me see by syght." Soche love waxe betwene them two, 1030 That the lady wepte for wo, When he ne wynne hur myght. Chylde Florent yn on-feyre wede Sprange owt as sparkylle on glede, The sothe for to say: 1035 Many hethen men that stownde, In dede he broght to the grounde, There was no chyldys play. When Florent beganne to founde, Wythowt any weme of wownde, 1040 To Parys he toke the way; The hethyn men were so for-dredd, To Cleremount with the mayde they fledd,

In hur fadur pavylon,

There they let the maydyn downe,
And sche knelyd on knee;
The Sowdon was fulle blythe,
To hys doghtur he went swythe,
And kyssyd hur sythys thre.

He set hur downe on a deyse,
Rychely, wythowt lees,
Wyth grete solempnyté:
Sche tolde hur fadur and wolde not layne,
How Araganour, the gyaunt, was slayne;
A sory man was he!

There the Sowdon lay.

1085

"Leve fadur," sche seyde, "thyn ore,	
At Mountmertrous let me be no more,	
So nere the Crysten to bene;	
In soche aventure y was to day,	1060
That a rybawde had me borne away,	
For alle my knyghtys kene;	
Ther was no man yn hethyn londe	
Myght sytte a dynte of hys honde,	
The traytur was so preme.	1065
As oftyn as y on hym thenke,	
Y may nodur ete nor drynke,	
So fulle y am of tene."	
When the Sowdon thes tythynges herde,	
He bote hys lyppys and schoke hys berde,	1070
That hodyus hyt was to see;	
He swere be egur countynawns,	
That hange he wolde the kyng of Fraunce,	
And brenne alle Crystyanté!	
"I schalle neythur leve on lyve	1075
Man ne beste, chylde ne wyve,	
Wyth eyen that y may see!	
Doghtur, go to chaumbur swythe,	
And loke thou make the glad and blythe,	
Avengyd schalt thou be!"	1080
Fulle rychely was the chaumbur spradd,	
Therto was the maydyn ladd	
Wyth maydenys that sche broght;	
On softe seges was sche sett,	

Sche myght nodur drynke ne ete,

So moche on hym sche thoght;
Odur whyle on hys feyre chere,
And of the colour of hys lere,
Sche myght for-gete hym noght.
Stylle sche seyde, wyth herte sore,
"Allas! with my lemman that y ne were,
Where he wolde me have broght!"

On hur bedd as sche lay,
To hur sche callyd a may
Fulle prevély and stylle;
The maydyn hyght Olyvan,
The kyngys doghtur of Sodam,
That moost wyste of hur wylle.
Sche seyde, "Olyvan, now yn prevyté,
My councelle wylle y schewe the,
That grevyth me fulle ylle;
On a chylde ys alle my thoght,
That me to Parys wolde have brost,
And y ne may come hym tylle."

Olyvan answeryd hur tho,

"Sethyn, lady, ye wylle do so,
Drede ye no wyght;
I schalle yow helpe bothe nyght and day,
Lady, alle that evyr y may,
That he yow wynne myght.

3yt may soche aventour be,
Lady, that ye may hym see
Or thys fourtenyght;

At Mountmertrous y wolde ye were,

The sothe of hym there shulde ye here,

Be he squyer or knyght."

The crysten men were fulle blythe,

When they sye Florent on lyve,

They wende he had be lorne;

The chylde was set with honour

Betwyx the kyng of Fraunce and the Emperour,

Sothe wythowten lees.

The Emperour the chylde can beholde,

He was so curtes and so bolde,

But he ne wyste what he was:

The emperour thoght ever yn hys mode, The chylde was comyn of gentylle blode, He thoght ryght as hyt was.

When the folke had alle eton,

Clement had not alle forgeton,

Hys purce he openyd thore.

xxx. florens forthe caste he,

"Have here for my sone and me,

I may pay for no more."

Clement was so curtes and wyse,

He wende hyt had ben merchandyse,

The pryde that he sawe thore!

At Clement logh the kyngys alle,

So dud the knyghtys yn that halle,

And chylde Florent schamyd sore.

The Emperour than spekyth he	
To Florent, that was feyre and fre,	
Wordys wondur stylle.	
"Yonge knyght, y pray the,	
Ys he thy fadur? telle thou me."	1145
The chylde answeryd ther-tylle,	
"Syr, love y had never hym to,	
As y schulde to my fadur do,	
In herte ne yn wylle;	
Of alle the men that evyr y sye,	1150
Moost yevyth my herte to yow trewly,	
Syr, take hyt not yn ylle."	
The Emperous let calls Clament thems	
The Emperour let calle Clement there,	
He hym sett hym fulle nere	11.00
On the hygh deyse;	1155
He bad hym telle the ryght dome	
How he to the chylde come,	
The sothe wythowten lees.	
"Syr, thys chylde was take yn a forest	
From a lady wyth a wylde beest,	1160
In a grete wyldurnes;	
And y hym boght for xx. pownde,	
Eche peny hole and sownde,	
And seyde my sone he was."	
The emperour than was fulle blythe	1165
Of that tythynge for that lythe,	
And thankyd God Almyght!	

The emperour felle on kne fulle swythe,

And kyste the chylde an c. sythe,

And worschyppyd God fulle ryght!

1170

Welle he wyste withowt lees,

That he hys own sone was,

Alle gamyd kyng and knyght.

The chyldys name was chaungyd with dome,

And callyd hym Syr Florent of Rome,

As hyt was gode ryght.

The emperour was blythe of chere,

The terys traylyd downe on hys lere,

He made fulle grete care.

"Allas," he seyde, "my feyre wyfe,

The beste lady that ever bare lyfe,

Schalle y hur see no more?

Me were levyr then alle the golde

That ever was upon molde,

And sche alyve wore."

1185

The emperour gave Clement townys fele,

To leve yn ryches and yn wele

I-nowe for evyrmore.

On a nyght, as the chylde yn bedd lay,

He thoght on hys feyre may,

Mekylle was he yn care!

The chylde had nodur reste ne ro,

For thoght how he myst come hur to,

And what hym beste ware;

The chylde thoght for the maydyns sake

A message that he wolde make,

And to the sowdon fare.

On the morne he sadulde hys stede,
And armyd hym yn ryche wede,
A braunche of olefe he bare.

1200

Hyt was of messengerys the lawe,

A braunche of olefe for to have,
And yn ther honde to bere;

For the ordynaunce was so,

Messengerys schulde savely come and go,
And no man do them dere.

The chylde toke the ryght way

To Cleremount, as hyt lay,
Wyth hym hys grete heere;
At the halle dore he reynyd hys stede,
And on hys fete yn he yede,
A messengere as he were.

Than spake the chylde with hardy mode,
Before the sowdon there he stode,
As a man of moche myght.

"The kynge of Fraunce me hedur sende,
And byddyth the owt of hys londe thou wynd,
Thou werryst ageyn the ryght!
Or he wylle brynge agenste the
xxx. thousande tolde be thre,
With helmys and hawberkys bryght;
Eche knyst schalle xxx. squyers have,
And every squyer a fote knave
Worthe an hethyn knyght."

Than began the sowdon to speke,	122
There he sate at hys ryche mete,	
Amonge hys knyghtys kene.	
"The kyng of Fraunce shalle welcome be,	
Agenste oon he schalle have thre,	
I wot, wythowten wene,	1230
That also fayne are of fyght	
As fowle of day aftur nyght,	
To schewe ther schyldys schene!	
To prove to morne be my lay,	
I wylle never set lenger day,	1234
Than schalle the sothe be sene."	
Than spekyth the mayde with mylde mode	
To feyre Florent there he stode,	
That was so swete a wyght.	
"Messengere, y wolde the frayne,	1240
Whedur he be knyght or swayne,	
That ys so moche of myght,	
That hath my fadurs gyaunt slayne,	
And ravyschyd me fro borogh Larayne,	
And slewe there many a knyght."	1245
Thogh sche movyd hym to ylle,	
3yt were hyt mykulle yn hur wylle	
To have of hym a syght.	
"Lady," he seyde, "nodur lesse nor more,	
Than yf hyt myselfe wore,	1250
Syth thou wylt of me frayne;	
Thou schalt me knowe yn alle the heere,	
Thy sleve y wylle bere on my spere	

In the batelle playne."

Alle they wyste ther by than,

That he was the same man,

That had the gyaunt slayne.

Withowt ony odur worde,

Alle they start fro the borde,

With swyrdys and knyvys drawyn!

1260

Florent sawe none odur bote,

But that he must first on fote.

Florent sawe none odur bote,

But that he muste fyght on fote

Agenste the Sarsyns alle.

And evyr he hyt them amonge,

Where he sawe the thykest thronge,

Fulle fele dud he them falle!

Some be the armys he nome,

That alle the schouldur with hym come,

The prowdyst yn the halle;

And some soche bofettys he lente,

That the hedd fro the body wente,

As hyt were a balle!

Whan hys swyrde was y-brokyn,

A Sarsyns legge hath he lokyn,
Therwyth he can hym were;

To the grounde he dud to go,
vij. skore and some dele moo,
That hethyn knyghtys were.

The chylde made hym wey fulle gode,
To hys stede there he stode,

Tho myght hym no man dere.

The chylde toke the ryght way To the cyté of Parys, as hyt lay, Thorow owt alle the heere.

The Crysten men were fulle blythe,

When they sye Florent come alyve,

They wende he lorne had bene.

When he come nye the cyté,

Agenste hym rode kyngys thre,

And the emperour rode them betwene.

The folke presyd hym to see,

Every man cryed, "Whych ys he?"

As they hym nevyr had sene.

To the pales was he ladd,

And tolde them how he was be-stadd

Amonge the Sarsyns kene.

"Lordyngys, loke that ye ben yare,
To the batelle for that fare,
And redy for to ryde;
To morne hyt muste nede be sene,
Whych ys hardy man and kene,
We may no lenger byde."
The folke seyde they were blythe
To wynde to the batelle swythe,
In herte ys noght to hyde.
A ryche clothe on borde was spradde,
To make the chylde blythe and gladd,
A kynge on aythur syde.

On the morne when hyt was day lyght, The folke can them to batelle dyght, Alle that wepyn myght welde.	1810
There men myght see many a knyght,	
Wyth helmys and with hawberkys bryght,	
Wyth sperys and wyth schylde;	
Wyth trumpys and with moche pryde,	1315
Boldely owt of the borowe they ryde	
Into a brode fylde.	
The downe was bothe longe and brode,	
There bothe partyes odur abode,	
And eyther on odur behelde.	1820
Marsabelle, the maydyn fre,	
Was broght the batelle for to see,	
To Mountmertrous ovyr Seyn.	
Florent hur sleve bare on hys spere,	
In the batelle he wolde hyt were,	1325
And rode forthe yn the playne.	
For that men schulde see by than,	
That he was that ylke man,	
That had the gyaunt slayne;	
And also for the maydyn free,	1330
· · · · · · · · · · · · · · · · · · ·	

That whyle was moche sorowe yn fy3t,
When the batelle began to smyte,
Wyth many a grevys wounde!

Fro the morne that day was lyght,
Tylle hyt was evyn derke nyght,

That sche schulde hys dede see, Therof sche was fayne.

Or eythur party wolde founde. Florent can ever among them ryde, And made there many a sore syde, 1840 That afore were softe and sownde. So moche people to dethe yode, That the stedys dud wade yn blode, That stremyd on the grounde! There men myght see helmys bare, 1845 Hedys, that fulle feyre ware, Lay to grounde lyght. The Crystyn party become so than, That the fylde they myst not wynne, Alle arewyd hyt, kynge and knyght. 1350 Florent smote wyth herte gode, Thorow helme ynto the hed hyt wode, So moche he was of myght! Thorow Godys grace and Florent there. The Crysten men the bettur were 1355 That day yn the fyght. The partyes were y-drawe away, And takyn was anodur day, That the batelle schulde bee. Florent rode toward borough Larayn, 1360 Be the watur banke of Seyne, Moo aventurs for to see. The maydyn, whyte as lylly flowre,

Lay yn a corner of hur towre, That was ferly, feyre, and free;

1865

Florent sche sye on fylde fare, Be the sleve that he bare Sche knewe that hyt was he.

Then spekyth the mayde, with mylde mode,
To Olyvan, that be hur stode,
And knewe hur prevyté;
"Olyvan, how were beste to do,
A worde that y myst speke hym to?
I-wysse then wele were me."
Sche seyde, "Lady, we two
Allone wylle be the rever go,
There as he may yow see.
Yf he yow love with herte gode,
He wylle not let for the flode,
For a fulle gode stede hath he."

Forthe went the maydyns two,
Be the rever syde can they goo,
Them-selfe allone that tyde.
When Florent sawe that swete wyght,
He sprange as fowle dothe yn flyght,
No lenger wolde he byde;
The stede was so wondur gode,
He bare the chylde ovyr the flode,
Hym-selfe welle cowde ryde.
Grete yoye hyt was to see them meete
With clyppyng and with kyssyng swete,
In herte ys not [to] hyde.

1385

1890

"Lady," he seyde, "welle ys me, A worde that y may speke with the, So bryght thou art of hewe!

In alle thys worlde ys noon so fre,

Why ne wylle ye crystenyd be,
And syth of herte be trewe?"

Sche seyde, "Yf that ye myght me wynne,
I wolde forsake alle hethyn kynne,
As thogh y them nevyr knewe.

And syth ye wolde me wedde to wyfe,
I wolde leve yn Crysten lyfe,
My yoye were evyr newe."

"Lady," he seyde, "wythowt fayle,
How were beste yowre counsayle,
That y yow wynne myght?"
"Certys, ye never wynne me may,
But hyt were on that ylke day,
That ye have take to fyght,
That ye wolde sende be the flode,
Wyth men that crafty were and gode,
A schyppe that welle were dyght.
Whylle that men are at that dere dede,
That whyle my3t men me awey lede
To yowre cyté ryght.

"My fadur hath a noble stede,
In the worlde ys noon so gode at nede
In turnament ne yn fyght;
Yn hys hedd he hath an horne
1420
Schapon as an unycorne,
That selkowth ys be syght.

Syr, yf that ye hym myght wynne,	
There were no man yn hethyn kynne	
That hym wythstonde myght!"	1425
Florent kyste that feyre maye,	
And seyde, "Lady, have gode day,	
Holde that ye have hyght!"	
Florent ynto the sadulle nome,	
And ovyr the rever soon he come,	1430
To Parys he toke the way.	
He ne stynt ne he ne blanne,	
To Clementes hows tylle that he came,	
Hys aventurs to say;	
He tolde hym of the noble stede,	1 185
That gode was at every nede,	
And of that feyre maye.	
"Sone," seyde Clement, "be doghty of dede,	
And, certes, thou schalt have that stede	
To-morne, yf that y may."	1440
On the morne, when hyt was day lyst,	
Clement can hymselfe dyght	
As an on-frely feere.	
He dud hym ynto the hethen ooste,	
There the prees was althermoost,	1445
A Sarsyn as thogh he were.	
To the pavylowne he can hym wynne,	
There the sowdon hymselfe lay ynne,	
And brevely can he bere.	
Fulle welle he cowde ther speche speke,	1450
And askyd them some of ther mete,	
The sowdon can hym here	

Grete dole the sowdon of hym thoght,	
And soon he was before hym broght,	
And wyth hym can he speke;	1450
He seyde he was a Sarsyn stronge,	
That yn hys oost had be longe,	
And had defawte of mete.	
"Lorde, ther ys noon hethyn lede,	
That so welle cowde kepe a ryche stede,	1460
Or othur horsys fulle grete."	
The sowdon seyde that ylke tyde,	
Yf thou can a stede welle ryde,	
Wyth me thou schalt be lete."	
They horsyd Clement on a stede,	1465
He sprang owt as sperkulle on glede,	
Into a feyre fylde.	
Alle that stodyn on ylke syde	
Had yoye to see hym ryde,	
Before the sowdon they tolde.	1470
When he had redyn coursys iij.,	
That alle had yoye that can hym see,	
The sowdon hym be-helde.	
Downe he lyght fulle soon,	
And on a bettur was he done,	1475
Fulle feyre he can hym welde.	
Grete yoye the sowdon of hym thost,	
And bad hys feyre stede forthe be brost,	
And Clement shalle hym ryde.	
When Clement was on that stede,	1480
He rode a-way a fulle gode spede.	

No lenger wolde he byde.

When he was redy forthe to fou[nde],
"Be-leve there," he seyde, "ye hethen h[ounde],
For ye have lorne yowre pryde."

1485

Clement toke the ryght way

Into Parys, as hyt lay,
Fulle blythe was he that tyde!

"Florent, sone, where art thou?
That y the hyght, y have hyt [now],
I have broght thy stede!"
Florent blythe was that day,
And seyde, "Fadur, yf y leve may,
I wylle the quyte thy mede.
But to the emperour of Rome
Therwith y wylle hym present sone,
To the pales ye schalle hym lede;
For evyr me thynkyth yn my mode,
That y am of hys own blode,
Yf hyt so poverly myght sprede."

To the pales the stede was ladde,
And alle the kyngys were fulle gladd
Theron for to see.
The emperour before hym stode,
Ravyschyd herte and blode,
So wondur feyre was he.
Then spekyth the chylde of honour
To hys lorde the emperour,
"Syr, thys stede geve y the."

Alle that abowte the chylde stode,	1510
•	1010
Seyde he was of gentulle blode,	
Hyt myght noon odur be.	
Aftur thys the day was nomyn,	
That the batelle on schulde comyn	
Agenste the Sarsyns to fyght;	151 ő
Wyth trumpys and with moche pryde,	
Boldely owt of the borogh they ryde,	
As men moche of myght!	
Florent thoght on the feyre maye,	
To batelle wente he not that day,	1520
A schyppe he hath hym dyght;	
Fro Mountmertrous there the lady lay,	
To Parys he broght hur away,	
Ne wyste hyt kynge ne knyght.	
That whyle was moche sorowe yn fy3t,	1525
When the batelle began to smyght	
With many a grymme gare;	
Fro morne that hyt was day lyght,	
Tylle hyt was evyn derke nyght,	
Wyth woundys wondur sore.	1530
For-why that Florent was not there,	
The hethyn men the bettur were,	
The batelle venguyscht they thore.	
Or Florent to the felde was comyn,	
Emperour and kynge were y-nomyn,	1535

And alle that Crysten were.

Florent was of herte so gode, He rode thorow them [as] he was wode, As wyght as he wolde wede. Ther was no Sarsyn so moche of mayn, 1510 That myst hym stonde with strenkyth agayn, Tylle they had slayne hys stede; Of Florent there was dele y-now, How they hys hors undur hym slowe, And he to grounde yede. 1545 Florent was take yn that fyght, Bothe Emperour, kynge, and knyght, Woundyd they can them lede. The Sarsyns buskyd them with pryde, Into ther own londys to ryde, 1550

The Sarsyns buskyd them with pryde,
Into ther own londys to ryde,
They wolde no lenger dwelle.
Takyn they had syr Florawns,
The Emperour and the kyng of Fraunce,
Wyth woundys wondur fele.
Othur Crystyn kyngys moo,
Dewkys, erlys, and barons also,
That arste were bolde and swelle;
And ladd them with yron stronge,
Hur fete undur the hors wombe,
Grete dele hyt ys to telle!

Wyde the worde sprange of thys chawnce,
How the Sowdon was yn Fraunce
To warre agenste the ryght;
In Jerusalem, men can hyt here,
How the Emperour of Rome was there

THE EMIEROR OCIAVIAN.	01
Wyth many an hardy knyght.	
Than spekyth Octavyon the 3yng,	
Fulle feyre to hys lorde the kyng,	
As chylde of moche myght:	
"Lorde, yf hyt were yowre wylle,	1570
I wolde wynde my fadur tylle,	
And helpe hym yn that fyght."	
Than spekyth the kyng of moche myst,	
Fulle fayre unto that yong knyght,	
Sore hys herte can blede.	1575
"Sone, thou schalt take my knyghtes fele,	
Of my londe that thou wylle wele,	
That styffe are on stede,	
Into Fraunce with the to ryde,	
Wyth hors and armys be thy syde,	1580
To helpe the at nede;	
When thou some doghtynes haste done,	
Then may thou shewe thyn errande soone,	
The bettur may thou spede."	
He bad hys modur make hur yare,	1585
Into Fraunce with hym to fare,	
He wolde no lenger byde.	
Wyth hur she ladd the lyenas	he lyenas
That sche brost owt of wyldurnes,	
Rennyng he hur syde:	1590

Rennyng be hur syde;
There men myght see many a knyght,
With helmys and with hawberkys bryght,
Forthe yn-to the strete.

Fortha ther ment on a day

Forme mey went on a day,
The hethyn ooste on the way
Alle they can them meete.
By the baners that they bare,
They knewe that they hethyn ware,
And stylle they can abyde.

They dyst them with bremus bryght, And made them redy for to fyst, Ageyn them can they ryde: They have the flesche fro the bone, Soche metyng was never none, Wyth sorow on ylke syde! Octavyon, the yong knyght, Thorow the grace of God Almyght, Fulle faste he fellyd ther pryde.

The lyenas that was so wyght, When she sawe the yong knyght Into the batelle founde, Sche folowed hym with alle hur myst, And faste fellyd the folke yn fyst, Many sche made on-sownde! Grete stedys downe sche drowe, And many hethen men sche slowe Wyth-ynne a lytulle stownde! Thorow God, that ys of mystes gode, The Crysten men the bettur stode.

The hethyn were brost to grownde! 1620

1600

1595

1605

1610

1615

The Crysten prysoners were fulle fayne,
When the Sarsyns were y-slayne,
And cryed, "Lorde, thyn ore."
He ne stynt ne he ne blanne,
To the prysoners tylle that he wanne,
To wete what they were.
The Emperour, wythowt lees,
That hys own fadur was,
Bowndon fownde he there;
The kyng of Fraunce and odur moo,

1630
Dewkys, erlys and barons also,
Were woundyd wondur sore.

Hys fadur was the furste man

That he of bondys to lowse began,

Ye wete, wythowten lees;

And he lowsyd hys brodur Floraunce

Or he dud the kynge of Fraunce,

3yt he wyste not what he was.

Be that hys men were to hym comyn,

Soon they were fro yrons nomyn,

The pryncys prowde yn prees.

Whan he had done that noble dede,

The bettur he oght for to spede,

A ryche cyté was besyde,

Boldely thedur can they ryde

To a castelle swythe;

Ryche metys were there y-dyght

To make hys modur pees.

Kynges, dewkys, erlys, and knyght,

Alle were gladd and blythe:

Syth came Octavyon that yong with honour,

And knelyd before the emperour,

Hys errande for to kythe;

That ylke tale that he tolde,

Ryche and pore, yong and olde,

Glad they were to lythe.

He seyde, "Lorde, yn alle thys londe y have the soght
My modur have y with me broght,
I come to make hur pees;
For a lesyng that was stronge,
Sche was exylyd owt of yowre londe,
I prove that hyt was lees!"
The emperour was nevyr so blythe,
He kyssyd that yong knyght swythe,
And for hys sone hym chees;
For yoye that he hys wyfe can see,
vij. sythys swownyd he
Before the hye deyse!

Feyre Florent was fulle blythe

Of thes tydyngys for to lythe,

And hys modur to see.

Than spekyth the lady of honowre

To hur lorde the emperour,

Wordys of grete pyté,

"Lorde, yn alle the sorow that me was wroght, 1675

Thyn own sone have y with me broght,

And kepyd hym wyth me.

Thyn odur sone yn a foreste Was takyn with a wylde beste, That was ferly, feyre, and fre. 1680 I wot hyt ys Godys grace, I knowe hym be hys face, Hyt ys that yong knyght by the!" There was moche yoye and game, Wyth clyppyng and with kyssyng same, 1685 Into a chaumbur they yode. Grete yoye there was also, The metyng of the brethurn two, That doghty were yn dede. A ryche feste the emperour made there 1690 Of kynges that were farre and nere, Of many londys thede. The tale who so redyth ryght, The feste lastyd a fourtenyght In jeste as we rede. 1695 Marsabelle, that feyre maye, Was aftur sente, the sothe to say, Fro Parys there sche was: Crystenyd sche was on a Sonday, Wyth yoye and myrthe, and moche play; 1700 Florent to wyfe hur chees. Soche a brydale ther was there, A ryaller ther was never noon here, Ye wot withowten lees. Florent hymselfe can hur wedd, 1705

And ynto Rome sche was ledd With pryncys prowde yn prees. Than hyt befelle on a day,

The emperour began to say,

And tolde the lordes how hyt was.

The ryche kynges gave jugement,

The Emperours modur schulde be brent

In a tonne of brasse.

As swythe as sche therof harde telle,

Swownyng yn hur chaumbur she felle,

Hur heere of can sche race;

For schame sche schulde be provyd false,

Sche schare a-to hur own halse

Wyth an analasse!

Therat alle the kynges loghe,

What wondur was thowe ther were no swoghe?

They toke ther leve that tyde;

With trumpys and with mery songe,

Eche oon went to hys own londe,

With yoye and with grete pryde.

With game and with grete honowre

To Rome went the emperour,

Hys wyfe and hys sonys be hys syde.

Jhesu Lorde, hevyn kynge,

Graunt us alle thy blessyng,

And yn hevyn to abyde!

## NOTES.

Line 10.—Yn bokys of ryme.] The Lincoln MS. reads, "In the bukes of Rome," meaning books in the Romance or Anglo-Norman language.

L. 22.—Octavyan.] Instead of this and the next two lines, the Lincoln MS. has,—

"Octovyane was his name thrugheowte, Everylke mane hade of hym dowte Whenne he was armede one stede."

L. 45.—Yeve.] A misprint for yene. The Lincoln MS. has, "Thaire landis to rewle one ryghte."

L. 59.—Dyskever.] Possibly some of the earlier MSS. may have read dyskere. In the Erle of Tolous, 636, Ritson unnecessarily altered dyskevere in the MS. to dyskere, but numerous instances might be adduced to prove that the first form may be the right one. When Sir F. Madden cites the last instance in support of the form kere, he seems to have overlooked Ritson's list of corrections, Met. Rom. iii. 223. The Lincoln MS. here reads, "Opyne 3 our herte unto me here."

L. 66.—And here.] The Lincoln MS. reads,—
"For fay we salle hythen founde."

L. 72.—Y slepe.] The Lincoln MS. reads,—
"I slepe bot littille stownde."

L. 83. With chyldren twoo.] The whole of this introductory story is wanting in the version printed by Weber from

the Cottonian MS. It is there related that after Octavian had been emperor five years, he married the daughter of the king of France, and "yn the ferst yere," his lady gave birth to twin sons "as whytte as swan." The Lincoln MS. reads "knave childire." The Hatton MS. in these particulars nearly agrees with Weber's version.

L. 116.—A cokys knave.] The boy who turned the spit, a turn-broach like Jack Hare. See Reliq. Antiq. i. 13, and Lydgate's Minor Poems, p. 52. Octavyan credited his wife's dishonour more readily than Schahriar, and yet her presumed lover was hardly of as respectable a class in society as the queen's friends, the blacks.

L. 118.—A sorowe to the.] The Lincoln MS. reads,

"A sorowe there to his herte gane goo,
That wordis moghte he speke no moo."

L. 132.—Or sche were delyvyrd there.] After this line, the Lincoln MS. has the following ones:—

"Than said that lady to that knave,

Hye the faste thi golde to hafe;

Thou schalle be rewarde this nyghte."

L. 139.—Hastyly was the knave uncladd.] The Lincoln MS. reads:—

"Whatte for lufe and whatt for drede, Into the ladyes beedd he zede; He dyd als scho hyme badd."

L. 151.—When he sawe that syght.] The Lincoln MS. reads,—

"Bot whenne the emperoure sawe that syghte,
For sorowe no worde speke he ne myghte,
For he wexe nerhande wode!
A scharpe baselarde owte he droghe,
That giltles knave there he sloghe!
Alle was by-blede with blode!"

L. 159.—That was so swete a wyght.] The Lincoln MS. reads, "Scho was a wofulle wyghte."

L. 171.—The lasse was hur care.] Instead of this and the following lines, the Lincoln MS. reads,—

"And scho syghede fulle sare.
The emperoure to the knave wente,
The hede up by the hare he hente,
And caste it tille hir thare.
The lady blyschede up in the bedde,
Scho saw the clothes alle by-blede,
Fulle mekylle was hir care!
Scho bygane to skryke and crye,
And sythene in swonynge for to ly,
Hirselfe scho wolde for-fare!"

L. 196 .- Metys.] "Myrthis," Lincoln MS.

iaz

the

) to

ıds

d

L. 206.-Ninthe.] "Haghtene," Lincoln MS.

L. 214.—Wyth soche a treson.] It is of course understood that the king here relates the previous tale.

L. 215.—When.] So in the MS., but we certainly ought to read what.

L. 241.—The lady sawe.] This and the two following lines are omitted in the Lincoln MS., but after l. 252, it inserts the following:—

"The emperoure graunted hir righte so; Ilke a mane thane was fulle woo, That were that day in the felde."

L. 245.—On kneys sche felle.] In the French romance shedeclares her innocence in the most pathetic manner, and adjures her husband to save her life, reminding him at the same time of his marriage oath:—

"Por Diex, fait-ele, Otheviene, Or esgarde se tu fais bien. Quant tu à fame me pris, Tu me juras et plevis Que tu le mien cors gardezoies, Come le tuen, si le pooies. Gentiex roi, par Diex entent, Se tu gardes ton sairement!"

L. 279.—Yeste.] The Lincoln MS. reads "romance;" and so also ll. 628, 1695.

L. 283.—The knyghtys.] The Lincoln MS. reads:—

"Two sqwyers hir childyr bare
In stede ther thay were never are,
And intille uncouthe thede;

Whenne scho was flemyd that was so gent."

L. 291.—The wode was.] The Lincoln MS. reads,—
"And alle wylsome it semed to syghte."

L. 304.-Veryly.] "Ferly," Lincoln MS.

L. 307.-Cluff: " Grene," Lincoln MS.

L. 311.—Wepte.] The Lincoln MS. has "grette," which is probably the correct reading.

L. 315.—No further myght sche gone.] The Lincoln MS. reads, "For sche was lefte allone."

L. 341.-Wodur.] "Other," Lincoln MS.

L. 346.—The lady sett hur on a stone.] Instead of this and the next two lines, the Lincoln MS. reads,—

" Bot for it was a kynge sone i-wysse, The lyones moghte do it no mys; Bot forthe therwith scho 3ede."

L. 350.—A gryffyn.] This fabulous animal, partly eagle and partly lion, is fully described by Sir John Maundevile. See Mr. Way's note in the Prompt. Parv. p. 212. It is constantly introduced in Romance literature. The French Romance calls the animal a dragon.

L. 359.—Knowyth.] The Lincoln MS. has kouthe, which is probably the true reading. In the next line, the same MS. reads "kepid" instead of "kepe."

L. 382.—This and the next line are repetitions of ll. 346-7.

L. 408.—Alle redy there.] This line is placed after 1. 402 in the Lincoln MS..

L. 440.—Lyeng.] "Sowkand hir," Lincoln MS.

L. 454.—The bote they sente.] In the French version this incident is much amplified. The crew attempt to persuade

her from the dangerous enterprise, but the only precautions their solicitude could prevail on her to adopt are those of a religious nature. She confesses herself to the chaplain of the vessel, and takes sacred vestments and holy water with her, and so prevails over the lioness.

L. 475.—There men myght game se,] The Lincoln MS. has a far worse reading,—

"There was thane bot lytille glee."

L. 484.—The furste londe.] A very curious incident is here inserted in the Anglo-Norman romance, which will at once remind the reader of Spenser's Una. When the queen leads the lioness into the ship, the mariners, in a state of considerable perturbation, threaten to throw the queen and her infant overboard, unless their unwelcome visitor will consent to make its retreat. The queen soon pacifies them, however, by answering for its good behaviour; and, as it evinces no disposition to forfeit this character, they set sail, and continue for some time to live together very comfortably, "mult chierement." One accident only occurs during their voyage to disturb this perfect harmony, the incident above alluded to. A drunken and ill-mannered fellow, "un omme ivre et mal apris," pays his addresses to the queen, and having failed in his eloquence, attempts more violent measures to compass his design, which the lioness witnessing, speedily frustrates, by tearing him to pieces. The rest of the crew, reverencing the virtue of their beautiful companion, and feeling, probably, some additional respect for the fangs and teeth of her attendant, make no difficulty of acquiescing in a sense of the justice of his punishment. See Conybeare's Analysis, p. 11.

L. 489.—And of the sonne leme.] The Lincoln MS. reads, "of the dayes gleme."

L. 501.—There nere honde.] The Lincoln MS. reads, "es scho went."

- L. 562.—Hyt ys so feyre.] The Lincoln MS. has,—

  "It es comyne of gentille blode,
  We salle hym selle for mekille gude."
- L. 566.—And to the cyté.] "To the Grekkes se," Lincoln MS.
- L. 573.—The velayn.] For all particulars relative to this class of society, see Mr. Wright's excellent paper in the last volume of the "Archæologia."
  - L. 575.—Ye, who wylle us.] The Lincoln MS. reads,—
    "The golde wille I for hym telle."
  - L. 579.— Or y hym selle may.] The Lincoln MS. reads,—
    "Are ze hym so selle may."
- L. 587.—xx. [h.] In the French romance, Clement is so eager to purchase the child, having been struck by his beauty, that he exposes himself to no small ridicule by voluntarily purchasing him at the extravagant price of a hundred pieces of gold. Scarcely has he concluded his bargain, before he begins to meditate with great seriousness on his imprudence, and its probable consequences: his meditations, however, produce no other effect than the additional expense of an ass, for the purpose of carrying the young foundling. See Conybeare's Analysis, p. 7.
- L. 597.—That was hys beste rede.] The Lincoln MS. reads.—
  - "And unto Paresche he zede."
  - L. 601.—Callyd.] "Haylsest," Lincoln MS.
  - L. 613.—Dame, seyde Clement.] The Lincoln MS. reads,—
    "Clement saide to his wyfe tho,
    Sen the childe is getyne so."
- L. 623.—Tylle that he come.] This and the next line are transposed in the Lincoln MS.
  - L. 640.-vij.] "Tuelve," Lincoln MS.
  - L. 642.—To be a chaungere.] The Lincoln MS. reads,—
    "To be a chawndelere."

L. 645.—To be.] "Unto," Lincoln MS.

gain, is somewhat "more than natural."

L. 648.—" To use swylke mystere," Lincoln MS.

L. 651.—" A semely syghte sawe he," Lincoln MS.

L. 654.—"That semly was to see," Lincoln MS.

L. 657,—" For that fowle so fre," Lincoln MS.

L. 660.—" Florent was blythe in ble," Lincoln MS. After l. 661, the Lincoln MS. has a leaf missing.

L. 672.—Hym.] This word is repeated in the MS. Florent's fear that the "squyer" should wish to retract his bar-

L. 731.—Thou schalt have more.] The reader will observe how carefully Florent's chivalric character is kept up. This munificence is in perfect harmony with the conduct of the tale. In the Anglo-Norman romance he says,—

"Dis, estes vous ivres? Qui me le faites trente livres? Ne voil pas que vous i perdés; Quarante livres en avrés."

L. 801.—The conduct of the tale here seems to be somewhat different in the Lincoln MS., but a leaf being wanting, it is almost impossible to decide that question clearly. It appears, however, that in the Linc. MS. the giant wishes to strike a bargain with the sultan for his daughter, for f. 103 begins as follows, this extract reaching to l. 816 of our text.—

" Merveylle therof thynkes mee.

If thou and alle this mene wille blynne,

I wille undirtake to wynne

Paresche, that stronge ceté;

Bot Mersabele thane weedde I wille!"

Sayd the Sowdanne, "I halde thertille,

With thi that it so bee."

Arageous appone that same daye,

To the Mount-Martyne ther the lady laye,

The waye he tuke fulle ryghte;

And hir hade lever dede to hafe bene,

Thane hym in hir chambir to hafe sene,

So fulle he was of syghte!

He sayse, "Lemane, kysse me be-lyve,
Thy lorde me hase the graunte to wyefe,
And Paresche I hafe hym hyghte;
And I hete the witterly
The kynges hevede of Fraunce certanely,
To-morowe or it be nyghte!"

L. 821.—A kysse wylle y warne the noght.] The Lincoln MS. reads,—

" Than shalle thou hafe thyne askynge."

L. 830.—As hyt lay.] "That ilke daye," Lincoln MS.

L. 852.—After this line, the Lincoln MS. has the following, not found in our version:—

Whenne he had slayne the knyghtes fyve, Agayne to the walles gane he dryve, And over the bretage gane lye:

"Kynge Dagaberde of Fraunce," he sayde,

"Come thi-selfe and fyghte a brayde,

For thi curtasye.

For I wille withe none other fyght, Thi hevede I hase my lemane highte,

Scho salle me kysse with thi;

And if thou ne wille noghte do so, Alle this ceté I wille over-go,

Als dogges thane salle thay dy!"

Grete dole it was thane for to see

The sorowe that was in that ceté,

Bothe with olde and 3 onge;

For ther was nother kynge ne knyghte,

That with that geaunt thane durste fyghte, He was so foulle a thynge!

And ay i-whills Arageous with his staffe,

Many a grete bofete he gaffe,

And the walles downe gane he dynge;

And thane gane alle the pepille crye Unto God, and to mylde Marye,

With sorowe and grete wepynge!"

L. 858.—The chylde harkenyd.] After this line, the Lincoln MS. has the three following:—

"Oure kynges hede hase he highte The Sowdane dogheter that es so bryghte, For scho solde kysse hym thenne."

For scho solde kysse hym thenne."

L. 862. This and the next two lines are omitted in the Lincoln MS.

L. 868. Instead of this, and the eight following lines, the Lincoln MS. reads as follows:—

"A! lorde, why ever thus many mene hym drede?

Me thynke I myghte do alle his nede,

And I were armede ryghte!"

Sayse Clement, "And thou therof speke, I trow I salle thyne hede breke,

For had thou of hyme a syghte, For alle this ceté wolde thou [not] habyde, Bot faste a-waywarde wold thou ryde,

He es so fowle a wyghte!"

"A! fadir," he said, "takes to none ille,

For with the geaunt fighte I wille,

To luke if I dare byde;

And bot I titter armede be,

I salle noghte lett, so mote I the,

That I ne salle to hyme ryde."

Clement saide, "Sene thou willt fare, I hafe armoures swylke als thay are.

I salle thame lene the this tyde;

Bot this sevene zere sawe thay no sonne."

"Fadir," he sayd, "alle es wonne,

Ne gyffe I noghte a chide!"

"Bot, fadir," he sayde, "I gow praye,

That we ne make no more delaye,

Bot tyte I ware dyghte;

For I wolde noght for this ceté, That another mane before me

. Undir-tuke that fyghte."

"Nay! nay!" saise Clement, "I undirtake,

That ther wille none swylke maystrés make,

Nother kynge ne knyght;

Bot God sone sende the grace wirchipe to wyne,

And late me never hafe perelle therin,

To the dede if thou be dyghte."

- L. 913.—So bryght.] "Unbryghte," Lincoln MS. The satirical meaning implied in our text seems preferable.
  - L. 934.-Breme.] "Brené," Lincoln MS.
- L. 941.—The chyldes.] "His," Lincoln MS. This is a better reading. See the previous line.
- L. 957.—Playes.] "Lawes," Lincoln MS. The three lines following this are omitted in the same MS.
- L. 963.—The sothe y wylle yow say.] A very common expression in old romances. By an accident, sothlė in a similar line in Audelay's Poems, p. 68, is misprinted soyle. The mistake was owing to some sheets of that work having been accidentally ordered for press before the final corrections had been made.
  - L. 970.—Egur.] "Sory," Lincoln MS.
- L. 983.—The gyaunt swownyd.] The Lincoln MS. reads, "he slewe the geaunt."
- L. 1001.—Kyrtulle there.] "Surkott in hyr haulle," Lincoln MS.
  - L. 1009.—Hye.] So in the MS. Qu. Bye?
  - L. 1019.—Rode.] "Wolde," Lincoln MS.
- L. 1034. "Fulle many a Sarazene made he to blede," Lincoln MS.
- L. 1065.—"That he ne fellede thame bydene," Lincoln MS.
- L. 1072.—Egur.] "Hedouse," Lincoln MS. It would be difficult to point out a passage in the old romances more descriptive of an angry Sultan than the present.
- L. 1088.—" And one his coloure and one his lyre," Lincoln MS.
- 1097.—"That was fulle faire of blode and bane," Lincoln MS.
  - L. 1113.—Or thys.] "Or thys daye," Lincoln MS.
- L. 1119.—They wende he had be lorne.] After this line, the following curious incident is related in the Lincoln MS:—

"And whenne he come near the ceté, Agayne hym wente kynges thre,

And the Emperoure rode byforne; And to the palayse the childe was broghte.

Fulle riche atyre thay for hym soghte,

Of golde and sylver schene;

Mene callede hym Florent of Paresche,

For thus in romance tolde it es,

Thoghe he ther were noghte borne:

And Clement for the childes sake

Fulle faire to courte thay gane take,

And gaffe hym fulle riche wede;

One softe seges was he sett,

Amonge grete lordes at the mete

And servede of many riche brede.

The chylde was sett with grete honowre

Bytwize the kynge and the emperoure, His mete thay gane hym schrede;

His mete thay gane hym schred

He was so curtayse and so bolde

That alle hym lovede 3onge and olde For his doghety dede

Noghte longe after, als I 20w saye,

The childe solde be knyghte that other days,

No lenger wolde thay habyde.

His atyre of golde was wroghte,

Byfore the emperoure the childe was broghte,

A kyng on aythir syde.

The kyng of Fraunce byfore hym 30de, With mynstralles fulle many and gode,

And lede hym up with pryde;

Clement to the mynstralles gan go,

And gafe some a stroke, and some two,

There durste noghte one habyde!

Clement so sorye was that daye

For alle thaire costes that he solde paye,

That he gane wepe wele sore;

And whills the kynges dauwnsede in the halle, Clement tuke thaire mantills alle.

And to his howse thame bare;

Thane the kynges gane thaire mantills myse, And ilke mane askede after his,

Where thay bycomene were;

Thane swore Clement by Goddes days, For zoure mete moste ze paye, Or ze gete thame no more!" There att alle the kynges loghe, There was jove and gamene v-noghe Amonges thame in the haulle! The kynge of Fraunce with hert ful fayne,

Said, "Clement, brynge the mantils agayne, For I salle paye for alle."

Clement thore of was fulle blythe, And home he rane als so swythe

To his owene haulle. And to the palays the mantils bare, And bade thame take thame alle thare,

And downe he lette thame falle: The burdes were sett and coverde alle, Childe Florent was broghte into the haulle With fulle mekille presse."

L. 1136.--He wende hyt had ben merchandyse.] amusing incident is not found in the Cottonian MS. preceding line is of course to be taken satirically. This part of the tale is conducted in a different manner in the Lincoln MS.

L. 1162.—For xx. pownde.] The Lincoln MS. reads "thritty," which does not agree with what is said previously at 1. 587.

L. 1168.—Fulle.] "Als," Lincoln MS.

L. 1170.—" Thoghe he ne wiste whate he highte," Lincoln MS., which is on the whole a better reading.

L. 1175.—Syr Florent.] In the Anglo-Norman romance, the ceremony of knighthood is delayed by the interposition of the worthy Clement, who, bearing a most rooted antipathy to the profession of arms, uses all his eloquence to persuade the king from bestowing, and his foster son from receiving, so unprofitable and perilous a dignity. These kind-hearted exertions, however, serve only to draw upon him the ridicule and gaberie of the whole assembly; and, indeed, both here and elsewhere, the poet seems to have aimed at enlivening his fiction by contrasting the simplicity and bourgeoisie of the vilain with the heroic deportment of his more elevated characters. The ceremony, then, of investing Florent with his spurs was the next morning performed by the king himself, before the tale of Clement respecting his origin had been revealed. See Conybeare's Analysis, p. 28.

L. 1207.—Ryght.] "Heghe," Lincoln MS.

L. 1255.—This and the next triplet are transposed in the Lincoln MS.

L. 1272.—A balle.] "A fote-balle," Lincoln MS. This is a curious early notice of that game. The earliest mention of the sport produced by Strutt is in 1349. See his "Sports and Pastimes," ed. Hone, p. 100.

L. 1274.—"A mete-forme he gatt percas," Lincoln MS.

L. 1277.-Vij.] "Ten," Lincoln MS.

L. 1284.-Alle the.] "The heythene," Lincoln MS.

L. 1285.—There are many variations and much additional matter in the Anglo-Norman romance. When the Sultan heard of Florent's escape, and the loss of his men, he was irritated beyond all bounds, and vented his rage upon his idol Mahomet, giving him four blows with his truncheon, and declaring him to be of less value than a brace of dead dogs. Mahomet was, however, somewhat recompensed for his bruises, by the grateful, though silent, praises and thanks bestowed on him by the love-sick Marsabelle, for thus kindly conniving at the escape of her admirer. Afterwards, when the king of France was nearly vanquished in the battle with the Saracens. perceiving that no human efforts could avail to extricate himself and his people from their calamitous situation, he addresses himself fervently, though hastily, to the Deity. Scarcely had he uttered the prayer, when twenty thousand warriors, mounted on milk-white steeds, and clad in armour of the same colour, and of a most dazzling brightness, were seen rapidly to descend from the heights of Montmartre. On

<sup>بر</sup> تن <sub>بر</sub>

their nearer approach, it was discovered that this angelic chivalry was headed by the illustrious champion of Christianity, St. George; and it is almost needless to add that their interposition at once turned the scale of battle in favour of their votaries. For other particulars we must refer the reader to Conybeare's Analysis.

- L. 1295.-Was be-stadd.] "Had spede," Lincoln MS.
- L. 1312.-Knyght.] "Wyghte," Lincoln MS.
- L. 1321.—The.] "That," Lincoln MS. The same variation occurs in the next line.
  - L. 1333.-Fy3t.] "Syte," Lincoln MS.
  - L. 1340.—Sore.] "Sory," Lincoln MS.
- L. 1370.—Olyvan.] The Lincoln MS. here and in other places calls this damsel Olyve.
  - L. 1382.—Be the rever syde.] The Lincoln MS. reads,—

    "Owte of the castelle gane thay goo

    By the revere syde,"
- L. 1449.—Brevely.] "Brymly," Lincoln MS., which is a better reading. The same MS. has the next two lines transposed.
  - L. 1467.—Into a.] "Appone a fulle," Lincoln MS.
- L. 1470.—The sowdon they tolde.] The Lincoln MS. has "the sowdans telde," i. e. tent, which is evidently the true reading.
- L. 1485.—For ye have lorne yowre pryde.] This incident of Clement stealing the wonderful horse is related with much force in the version printed by Weber. We miss here his going into Spain and other countries to obtain the guise and manner of a pilgrim, their tales and songs. The stratagem in our text is worked with much greater ease, and it is somewhat remarkable that the curious condition that no one could ride the horse "but a bloman be hym bysyde," is altogether wanting.

This part of the version in Weber's edition is worth

quoting, and we therefore take the opportunity of giving a specimen of it:—

Sche seyde, "Yf ye denketh spede,
To my tale now taketh hede;
My fadyr hath an horned stede
Of Arabye,
Whyle he hym hath dar hym naght drede
Of your maystrye,

"No man may on that stede ryde
But a bloman be hym bysyde,
That hath y-kepte hym fer and wyde
Fram Grece to Troye:
For he hym maketh, with moche pride,
A nyse coye.

"The coye ys with hys handys two,
Clappynde togedere to and fro;
He ys swyftyr than ony roo
Under lynde.
In ech bateyle he well slo
Before and behynde.

"An unycorn begat that fole
On a rabyte, as blakke as cole,"
Than seyd Clement, "He schall be stole
With som queyntys;"—
And bad that counsell schuld be hole
Stylle yn Parys.

Pyk and palm, schryppe and slaveyn, He dyghte hym as a palmer queynt of gyn; Be Seyne water, seyd the Latyn, Without bost,

Maryners hym broghte to the maryn Of Gene cost.

He turnede abowte Galys and Spayne, Lumbardye and also Almeyne; Of other palmers he gan frayne Lesynges quaynte, As ech man behovyd that ys yn payne Hys tale paynte.

Be the Soudanes est whan he was come,
Well hastylyche he was y-nome;
Before the Soudan, the greet gome,
Servantes hym broghte.
Now herkeneth, frendes all and som,
How Clement wroght!

The Soudan askede, whannes he cam. .

He seyde he come fro Jerusalem,
Fram the sepulcre of Bedlem,
In pylgremage,—

"And ther y have lette myn em

Whannes he was men gon hym freyne:
He seyde he was of Greet-Breteyne,—
"In Artour's court a man of mayne
I have y be yore:

For strong hostage.

Of hys greet hors y was wardeyne Sene yere and more."

For to blere the Soudanes ye Queynte lesynges he gan to lye, And seyde he hadde lerned marchalsye, Both fer and neygh; In Ynde, Europe, Aufryke, and Asye, Ther nas noon so sleygh;

And all maner of hors he knew,
Bothe the lake and the vertu.
"Ther ys, he sayde, Cristen neyther Jew
That conne me teche,"
The Soudan that was blak of hew,
Logh of hys speche,

The Soudan sayde: "I have a stede,"— (He swere as Mahon schuld hym spede), "Yf thou kanst telle all the dede Of hys kende, Thou schalt have of me riche mede

Thou schalt have of me riche mede Ere that thou wende."

The stede was broght out of stable;
The bloman hym ladde with a cable,
Tho seyde Clement: "Without fable,
O, ser Soudan,
In the world nys hors so profytable
As thou hast con,

"Thys ys a stede of Arabye,
Be hys horn I gan hyt aspye,
An unycorn, with greet maystrye,
Begat hyt thare
A rabyte, y se hyt with my ye,
Therto was mare.

"Hyt ys swyfter than hert other hynde, Or ro that renneth under lynde; He feyght before hym and behynde In ech batayle. Ther nys no man of Crysten kynde That myghte the asayle,

Whyle thou on thy stede hovyst."—
The hadde the Soudan wonder mest,
And seyde: "Palmer, ryghtly thou arest
All the maner.

Darst thou ryde upon thys best To the ryvere,

"And water hym that thou ne falle?
Thanne wylle we seye among us all,
That thou hast be yn Artourys halle
Hys prys marschalle,

And therfore a robe of ryche palle Y yeue the schall."

Clement nere the stede stapte,
He whyslede and hys hondys clapte;
Thorgh Godes grace well he hapte,—
He nas noght ydell,—
In the stedes mouth he rapte
An huge brydel.

The brydel was made of chaynys, Of grete haspys wer the reynys. Erles, barons, knyghtes, and swaynes Of Clement spak, How he lepte with myght and maynes

On the stede back;

And with a peyre sporys of Speyne, He smot the stede with myght and mayne, And rood ryght over the water of Seyne,

Ryght to the cyté. The Emperour of Almeyne That syght gan se,

And lette opene the gettys wyde,
And Clement yn began to ryde.
The Soudan began up hys godes chyde
For that myschaunce.
Clement presentede with that stede
The Kyng of Fraunce.

L. 1500.—Yf hyt.] The Lincoln MS. reads,—
"So prodly if I moghte spede."

L. 1507. From this line to l. 1538 inclusive, the Lincoln MS. is imperfect, having been torn down the middle; l. 1549 to l. 1625 inclusive are quite wanting; and l. 1626 to l. 1659 are very imperfect in that MS., which has been sadly mutilated in this place.

L. 1651.-With.] "With grete," Lincoln MS.

L. 1654.—He.] "He thore," Lincoln MS.

L. 1660. This and the next triplet are transposed in the Lincoln MS., and ll. 1672-5 are omitted.

L. 1677.—Kepyd.] "zemede," Lincoln MS.

L. 1682.—Hys.] "His faire," Lincoln MS.


L. 1713 .- Tonne.] "Belle," Lincoln MS.


L. 1721.—What wondur was.] The Lincoln MS. reads,—
"There was joye and gamene ynowghe."


L. 1728.—Hys wyfe and hys sonys.] Instead of this and the two following lines, the Lincoln MS. thus concludes,—


And his two sonnes also,
And with thame many one mo,
Home thane gane thay ryde.
And thus endis Octoveane,
That in his tyme was a doghety mane,
With the grace of Mary free!
Now, Jhesu, Lorde of hevene kynge,
Thou gyffe us alle thi dere blyssynge,
Amen, Amene, per charyté! Amen.

END.









THE BORROWER WILL BE CHARGED AN OVERDUE FEE IF THIS BOOK IS NOT RETURNED TO THE LIBRARY ON OR BEFORE THE LAST DATE STAMPED BELOW. NON-RECEIPT OF OVERDUE NOTICES DOES NOT EXEMPT THE BORROWER FROM OVERDUE FEES.



